



## **KENYATAAN MEDIA**

### **UNTUK SIARAN SEGERA**

### **PROGRAM IMARAH RAMADAN PTPTN (IMRAN) BERSAMA PELAJAR IPT**

1. Perbadanan Tabung Pendidikan Tinggi Nasional (PTPTN) sentiasa komited untuk terus menjalinkan hubungan baik dengan masyarakat terutamanya melibatkan para pelajar di Institusi Pengajian Tinggi (IPT). Sempena bulan Ramadan tahun 2021/1442H, PTPTN terus menunaikan Tanggungjawab Sosial Korporat (CSR) dengan menyantuni para pelajar di IPT menerusi Program Imarah Ramadan PTPTN (IMRAN) Bersama Pelajar IPT. PTPTN melalui Skwad PTPTN Prihatin turun padang bagi menjayakan program ini dengan penuh rasa tanggungjawab untuk berkongsi rezeki dan membantu para pelajar terutama dalam suasana Pandemik Covid-19.
2. Program ini telah diadakan mulai 23 April 2021 dan berakhir pada 05 Mei 2021 lalu melibatkan lokasi di 15 buah IPT di seluruh Negara. Program yang diadakan dengan kerjasama IPT dan Majlis Perwakilan Pelajar (MPP) ini turut dihadiri oleh Ahli Lembaga Pengurusan PTPTN, Pengurusan PTPTN, Pengurusan Tertinggi IPT, Kepimpinan MPP dan para pelajar. YB Datuk Seri Dr. Noraini Ahmad, Menteri Pengajian Tinggi serta Pengurusan Tertinggi Kementerian Pengajian Tinggi (KPT) juga turut bersama turun padang bagi menjayakan program ini di Universiti Teknologi Malaysia, Skudai, Johor Bahru, Johor pada 26 April 2021 lalu.
3. Datuk Seri Dr. Noraini Ahmad, Menteri Pengajian Tinggi berkata, “Selain menyemarakkan penghayatan bulan Ramadan dengan konsep saling membantu dan bekerjasama, program IMRAN ini diadakan untuk mengeratkan lagi hubungan dan ikatan ukhawah silaturahim di antara KPT dan PTPTN dengan pengurusan IPT, pemimpin pelajar, pelajar dan masyarakat setempat. Di samping itu, program ini juga dijadikan landasan mempromosikan Skim Simpanan Pendidikan Nasional (SSPN) di kalangan warga IPT dan masyarakat setempat.”
4. “Selain itu, program ini diharapkan dapat mengubah persepsi negatif terhadap peranan dan fungsi PTPTN serta meningkatkan imej positif PTPTN di kalangan masyarakat menerusi Program CSR. Usaha ini selaras dengan peranan PTPTN sebagai tabung pendidikan utama negara serta salah sebuah agensi di bawah KPT yang sentiasa cakna dengan keperluan pelajar IPT.” tambah Datuk Seri Dr. Noraini Ahmad lagi.

5. Program IMRAN yang julung kali diadakan ini melibatkan aktiviti menyedia dan mengagihkan bubur lambuk secara bergotong-royong di kalangan kakitangan PTPTN, IPT, MPP dan para pelajar. Secara purata sebanyak 650 hingga 1,000 bekas bubur lambuk disediakan di setiap lokasi dengan jumlah keseluruhan sebanyak 12,650 bekas bubur lambuk telah diagihkan kepada pelajar, warga IPT dan masyarakat setempat. IPT yang terlibat ialah Universiti Teknologi Malaysia, Univiersiti Sains Malaysia, Universiti Putra Malaysia, Universiti Malaya, Universiti Malaysia Kelantan, Universiti Teknikal Malaysia Melaka, Universiti Pendidikan Sultan Idris, Universiti Sains Islam Malaysia, Universiti Malaysia Perlis, Universiti Malaysia Terengganu, Universiti Malaysia Pahang, Universiti Teknologi MARA Cawangan Kedah, Politeknik Kota Kinabalu, Politeknik Primer Sultan Salahuddin Abdul Aziz dan Politeknik Kuching.

6. Jalinan kerjasama PTPTN bersama IPT dan MPP akan diperluaskan dan diperkukuhkan lagi demi kebaikan para pelajar. Diharapkan program seumpama ini bukan sahaja dapat memberi manfaat kepada para pelajar di IPT malah dapat menjalinkan ukhuwah silaturahim serta dapat menyemai kesedaran penabungan dan mendidik literasi kewangan yang baik kepada masyarakat setempat.